

Broj: 03-02-698/2016
Sarajevo, 17.6.2016. godine

**PARLAMENT FEDERACIJE
BOSNE I HERCEGOVINE**

- Predstavnički / Zastupnički dom
gosp. Edin Mušić, predsjedavajući

- Dom naroda
gđa Lidija Bradara, predsjedavajuća ✓

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Priloga:		20-06-2016	
Org. jed.	Broj	Priloga	Vrijednost
02-02-	1078	/16	104

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 165. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) i člana 157. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09), u prilogu Vam dostavljam **Mišljenje Vlade Federacije Bosne i Hercegovine o Prijedlogu zakona o izmjenama Zakona o registraciji poslovnih subjekata u Federaciji Bosne i Hercegovine, koji je predložio Dennis Gratz, poslanik u Predstavničkom domu Parlamenta Federacije Bosne i Hercegovine, a koje je Vlada Federacije Bosne i Hercegovine utvrdila na 58. sjednici, održanoj 16.6.2016. godine.**

S poštovanjem,



PREMIJER

Fadil Novalić
Fadil Novalić

Prilog: kao u tekstu

**Cc: Federalno ministarstvo pravde
gosp. Mato Jozić, ministar**

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - ("Službene novine Federacije BiH", br. 6/10, 37/10 i 62/10), a u vezi sa članom 165. stav (4) Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07 i 2/08) i sa članom 157. stav (4) Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03 i 21/09), nakon razmatranja Prijedloga zakona o izmjenama Zakona o registraciji poslovnih subjekata u Federaciji Bosne i Hercegovine, koji je predložio Dennis Gratz, poslanik u Predstavničkom domu Parlamenta Federacije Bosne i Hercegovine, Vlada Federacije Bosne i Hercegovine je, na 58. sjednici, održanoj 16.6.2016. godine, utvrdila sljedeće

MIŠLJENJE

Obrazloženje predloženog teksta Zakona o izmjenama Zakona o registraciji poslovnih subjekata u Federaciji Bosne i Hercegovine, ne sadrži dio kojim se obrađuju pojedine zakonske odredbe, tačnije nema obrazloženja kojim se detaljnije pojašnjavaju razlozi za konkretnu zakonsku normu. Kao osnovni razlog za donošenje ovog teksta navedena je Presuda Ustavnog suda Federacije BiH, broj: U-15/10 od 2.12.2015. godine, kojom je utvrđeno da član 6. stav 1., u dijelu koji glasi: „kao i lice koje ispunjava pretpostavke iz stava 2. ovog člana“ i stav 2. istog člana, te čl. 27. i 73. Zakona o notarima („Službene novine Federacije BiH“, broj: 45/02), nisu u skladu sa Ustavom Federacije BiH. Predlagač Zakona je naveo da se odredbe koje su predmet izmjena i dopuna izvode iz odredbi koje su Presudom Ustavnog suda Federacije BiH proglašene neustavnim.

S tim u vezi, ističemo da su navedenom Presudom proglašene neustavnim određene odredbe Zakona o notarima, a da je u obrazloženju iste rečeno da se obavezna notarska obrada isprava utvrđena u članu 73. Zakona o notarima, koji je proglašen neustavnim, proteže i na druge zakone, pa i Zakon o registraciji poslovnih subjekata u Federaciji Bosne i Hercegovine („Službene novine Federacije BiH“, br. 27/05, 68/05 i 43/09). Shodno navedenom, stava smo da pristup provođenju predmetne presude mora biti sistemski i detaljan, što znači da zahtijeva pomnu analizu načina njenog provođenja obzirom da se radi o proglašenju četiri člana Zakona o notarima neustavnim, a pri tome se sistemski utiče na cjelokupan koncept Zakona o notarima i time u potpunosti odstupa od dosadašnjeg koncepta notarske službe u Federaciji Bosne i Hercegovine. Zakon o registraciji poslovnih subjekata u Federaciji Bosne i Hercegovine („Službene novine Federacije BiH“, br. 27/05, 68/05 i 43/09) sadrži rješenja urađena u skladu sa važećim Zakonom o notarima, a koji mora biti usklađen sa Presudom Ustavnog suda sistemski, što podrazumijeva rad na kompletnom zakonskom tekstu ili velikom broju odredaba. Nakon, adekvatne provedbe Presude Ustavnog suda Federacije, može se pristupiti korekciji drugih zakona na koje se implicira primjena Zakona o notarima.

Također, osnivanje i registracija poslovnih subjekata zahtijeva određeni stepen pravne sigurnosti pa je shodno tome bilo neophodno dati detaljno obrazloženje pojedinih zakonskih rješenja uz poseban akcenat na „ovjeri potpisa na osnivačkim aktima i statutima u skladu sa zakonom“, a što predloženi tekst ne sadrži.

Dakle, stava smo da se prilikom rada na pravnim poslovima koji se odnose na osnivanje poslovnih subjekata, mora obezbijediti veća pravna sigurnost, olakšati rad sudovima a što će svakako biti predmetom pomne analize provođenja predmetne Presude u pravcu sistemskog uređenja rada kako notarijata, tako i advokatske službe i nadležnosti sudova.

Također, treba istaći da će sva ponuđena rješenja iz dostavljenog prijedloga biti uzeta u obzir, prilikom izrade novog zakonskog teksta od strane Federalnog ministarstva pravde.

V. broj: 1276/2016
16.6.2016. godine
Sarajevo



PREMIJER

Fadil Novalić